



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj: 01-19-7-391/21

Datum: 16.02.2021.godine

Na osnovu člana 186. stav 3. Zakona o prostornom uređenju i građenju ("Službene novine Zeničko-Dobojskog kantona", broj: 1/14, 4/16) i člana 30. Statuta općine Tešanj ("Službeni glasnik općine Tešanj", broj: 11/07), Općinski načelnik objavljuje:

**JAVNI POZIV**

za izbor stručnih lica za rad u Komisiji za definisanje urbanističko - tehničkih i drugih uslova u postupcima za donošenje urbanističke saglasnosti na lokalitetima za područje Općine Tešanj za koje nije donesena prostorno-planska dokumentacije ili je istekao period za koji je donesena

**I**

Pozivaju se sve zainteresovane stručne osobe da podnesu prijave za sudjelovanje u radu Komisije za definisanje urbanističko - tehničkih i drugih uslova u postupcima za donošenje urbanističke saglasnosti na lokalitetima za područje Općine Tešanj za koje nije donesena prostorno-planska dokumentacija ili je istekao period za koji je donesena (u daljem tekstu: Komisija) koji se biraju i imaju iskustvo iz oblasti:

1. Prostornog planiranja i urbanizma,
2. Arhitekture,
3. Građevinarstva,
4. Geologije,
5. Prava,
6. Kulture i dr.

**II**

Nadležnost Komisije jeste davanje stručne i argumentovane ocjene o urbanističko - tehničkim, komunalnim i okolinskim, infrastrukturnim, saobraćajnim, tehničko - tehnološkim i drugim bitnim uslovima za izgradnju objekta i izvođenje drugih zahvata u prostoru u područjima za koja nisu doneseni planski dokumenti ili je istekao rok valjanosti i primjene planskih dokumenata koji su propisani odredbama člana 69. Zakona o prostornom uređenju i građenju ("Službene novine Zeničko-Dobojskog kantona", broj: 1/14, 4/16) kao temelj za izdavanje urbanističke saglasnosti.

### III

Troškovi rada Komisije za davanje stručne ocjene u postupku izdavanja urbanističke saglasnosti reguliše se posebnim rješenjem općinskog Načelnika na prijedlog nadležne općinske Službe. Troškovi rada Komisije obračunavaju se na teret podnositelja zahtjeva za izdavanje urbanističke saglasnosti.

### IV

Prijave za učešće u radu Komisija, podnose se putem pošte i prijemne kancelarije Službi za katastar, urbanizam i imovinsko-pravne poslove općine Tešanj, sa priloženom dokumentacijom: **ovjerenom fotokopijom lične karte, ovjerenom fotokopijom fakultetske diplome, ovjerenom fotokopijom uvjerenja o položenom stručnom ispitu, kratku biografijom uz obavezu naznake uže oblasti za koju se stručna osoba prijavljuje, potvrdom o radnom iskustvu, potvrdom o prebivalištu do 03.03.2021. godine do 16.00 sati.**

Prijave prispjele nakon 03.03.2021. godine neće se uzeti u razmatranje.

### V

Služba za katastar, urbanizam i imovinsko-pravne poslove općine Tešanj, sačiniti će spisak stručnih lica koja ispunjavaju uslove iz tačke I. Javnog poziva i o tome pismeno obavijestiti lica koja su se javila na Javni poziv.

Na osnovu dostavljenog spiska stručnih lica Općinsko vijeće će Odlukom imenovati pet (5) članova Komisije iz oblasti navedeni u tački I. Javnog poziva.

### VI

Detaljne informacije u vezi Javnog poziva mogu se dobiti u Službi za katastar, urbanizam i imovinsko-pravne poslove općine Tešanj svakim radnim danom od 7,30 do 16,00 sati na telefon 032/650-022, lokal 130, kontakt osoba: Dženan Bešlagić, dzenan.beslagic@opcina-tesanj.ba.

#### DOSTAVLJENO:

1. Web-stranica Općine Tešanj,
2. Oglasna tabla Općine Tešanj,
3. Dnevni list "Oslobođenje",
4. Putem medija,
5. Arhiva.



OPĆINSKI NAČELNIK

Mr. Sc. Suad Huskić, profesor